

Орн-нутгин газовой промышленности Өслт

Советск Союзин газовой промышленностиг цааранднь делгрүүлхин тускар, КПСС-н ЦК-н болн СССР-н Министр-мүдин Советин тогтавриг, орн-нутгин куч-көлсчнр, советск улсин баялд-джиргэлин таалиг ясуулгэна туст, орн-нутгин экономикиг цааранднь делгрүүлдж батлхин туст кеджэх Коммунистическ партин болн Советск правительствин шин килмдж гидж тоолдж тосцхав.

Газли-Свердловск хоорнд кучтэ гидг газопровод тосхкин тускар тогтаврт келгдджәнә, терүгәр Уралур кимд тулән гүүүдж ирхмн. Амтнә пәтрмүдт газ оруллгяр Свердловскд олангс авн ик көдлмш кегдджәнә. Бухарск газ иртл энүнд шалдрнъ газ олзхар шиидгдв, терүг Башкирәс Свердловск газ хувалгэна станцур төмр хаалгэин цистернст авч ирхмн. Дарук хойр джилд тиим эваргяр 20 мингэнь пәтрт газ оруулгдхмн.

„Укргазнефтьестрой“ трестин коллектив Днепропетровск Кривой Рог хоорнд магистральн газопровод тавлгэ эклчкв, эн цаарандан Одесс куртл утдулгдхмн. Шин газопровод утдан 177 километр шаху болхмн. Энүнә хаалгэд тосхачнр нүкнәс брәл сай гар кубометр шавр малтдж авч хайхмн, 22 мингэ гар төмр-бето, хад-чолу, төмр-бетонн, цуцгддг конструкц тавхмн, газ хувадг кучтэ гидг гурвн компрессорн станц тосххмн.

Днепр голин көвәггяр баях балгәсдт болн көдлмшчнрин поселкст газ оруллгяр ик көдлмш кегдджәнә. Ново-Московск балгәснур газопровод келгән дуусгдв. Трубопроводн магистралиг сүл шүүүдж хәләлгән кегдв. Даругәс Ново-Московск металлургическ завод болн тер балгәсна наадк промышленн предприятис газрин брин газ авхмн.

(ТАСС)